

APAIZ JAUN ON JOSÉ JOAKIN URANGAKO-ARI

LENENGO MEZA ZELEBRATUTAKO EGUNEAN



Banintzake ni zenbait bezela
 Eliztar Erakuslea
 Jaungoikoaren jakindeko ta
 Doai batzuben jabea
 Jaun On Domingo Agirren gisan
 Banitz ni euskal-zalea,
 Jakintsuba ta trebea,
 Euskal-erriyan onrea,
 Pozaren-pozaz alchako nuke
 Gaur nere adiskidea
 Animatikan chit maite detan
 Bere aitaren semea.

Bañan banaiz ni moldakaitza ta
 Ezjakiñ doakabea
 ¿Nundikan asi bada alchatzen
 On José Joakin nerea?
 Banaiz pensatzen, eta kantatzen
 Beartsu edo pobrea,
 Doaikiñikan gabea,
 Zarra ta gaitzak errea,
 ¿Nola nik jarri nai detan eran
 Zazpi doayen jabea,
 Bere guraso maitagarriyen
 Ziñezko onratzallea?

¿Ez ote ditu ere onratzen
 Senide eta aideak
 Jakintsutako baratzen dagon
 Erdoi gabeko loreak?
 ¿Ez ote gaitu onratutzen gu
 Euskal-kondairen zaleak,
 Eskribatzalle erneak,
 Egiyan sendotzalleak,
 Milla berreun-garren urteko
 Asaben jarraitzalleak
 Onrazko izar guzi-guziyan
 Benazko maitatzalleak?

Bai, bai bizi onragarriyak
 Dira orlako apaizak,
 Onragarriyak bereentzako,
 Chit ongarriyak guretzat,
 Guztiz leyala jatorritikan
 Dalako Jainkoarentzat,
 Da ala gurasoentzat,
 Bai ere senideentzat,
 Bada prestuba aideentzako
 Ezda zurra iñorentzat
 Baizikan biyotz biguiñekua
 Naiz bere etsayarentzat,

Zeran ezkeru katoliko ta
 Fuero zale chit osua
 Ibar mendiyak maite dituzun
 Apaiz euskaldun gozua,
 Zeralako zu onra zale bat
 Izugarritzko zintzua,
 Ikasi zale altsua,
 Ikasten birtuosua,
 Nola Latñiez, ala Erderaz
 Iztun eder eztsua,
 Erregucho bat egin nai dizut
 Aitacho biyotzekua.

Ikusten dezu ama Euskera
 Dagola miñerituta
 Daukatelako seme geyenak
 Guztiz desanparatuta,
 Zuk badakizu nola dan arki
 Lege santubak kenduta,
 Uztarripean lotuta,
 Kemen guziyak galduta,
 Eta ¿ez dezu negar egiten
 Amari begiratuta
 Ikusirikan zure onra bat
 Erderak elbarrituta?

¿Ez aldiyozu lagundu bear
 Arretarekin amari,
 Eedal izkunuzak azpiyan daukan
 Ama zar argaldubari?
 ¿Ez aldiyozu benaz elduko
 Ama errukarriyari
 Ama seaskakoari
 Onrarik aundiyanari
 Atzerritarrak uztarripean
 Iduki etzutenari
 Marko-Agripa ta Karlo-Magno
 Garaitu zitubenari?

¿Ez altzerade bada izango
 Leyala Euskerantzako
 Ainbeste bular eman dizuben
 Amacho donzellantzako?
 ¿Alda izkuntza gozoagorik
 Euskaldun apaizentzako,
 Naiz dala predikatzeke,
 Naiz artaldeai deitzeke,
 Nola artzayak, ala bildochak
 Pakean bizitutzeke
 Bizitza au ondo igaro eta
 Gero zeruban sartzeke?

Eta bestetik ¿nola ekarri
 Euskal lege maitatziyak
 Amari kendu gabetanikan
 Erdaldun lokatz aundiya?
 Entzun izandu bazinduzen zuk
 Euskal jayetan sermoyak,
 Itzaldi garbi-garbiyak,
 Guztiz atsegingarriyak,
 Aita Agirre, Aita Mendia
 Aita Baertel-en egiyak
 Pozaz negarrez anbat jarriko
 Ziraden zure begiyak.

Neri eragin azitzerako
 Eliztar oyek negarra
 Izanikan ni ezjakiña ta
 Euskal-zale chit baldarra
 Zuri barrenen erazekiko
 Zitzaitzun bada sugarra,
 Etzeralako zabarra,
 Aiñ guchi berriz elbarra,
 Baizik ikastez zeradelako
 Gogotsuba ta azkarra
 Ama Euskera zan ordutikan
 Izango zure izarra.

Bañan bukatu bañon lenago
 Zuk zure zuzenbidea
 Etzan erraza zu izatea
 Nai arren euskal-zalea
 Gaurtandik zera (gai ontan bein-
 Zere buruban jabea, [tzat
 Gaurtik zure goyondea
 Da guzirozko librea,
 Eta onratu dezazun beti
 Euskaldun apaiz taldea
 Arren abiya zaite sendatzen
 Ama zar doakabea.

Erdera bañon lenagokoa
 Da gure Ama prestuba
 Ama fedaisu, ama jakintsu
 Ama chit omenatuba
 Dalako gure Jaungoiko Jaunak
 Zeru goyan moldatuba,
 Ber-berak bedekatuba
 Santu artean oituba,
 Eta dalako Paradisotik
 Etorritako dontsuba,
 On José Joakin jarren! izazu
 Amaz errukimentuba.

Onran aurretik ez dezazula
 Maitatu inoiz diruba
 (Dalarikan au guziyongandik
 Geyegi estimatuba)
 Ta egiya da JUDAS onekin
 Dagoala bizi moduba
 Bañan bai ere munduba
 Onek daukala galduba,
 Onengatikan anbat batzuek
 Daukate ama aztuba
 Eta besteak nagitasunez
 Guziri gorrotatuba.

Amarentzako etzerala zu
 Izango seme paltsua
 Dago esaten oraiñchen bertan
 Zure biyotz doatsua
 ¿Zer datorkigu bada galduta
 Ama Euskera gaiñua,
 Amacho bulardetsua,
 Ama on gloriosua?....
 Euskerarekin erri au bada
 Lurreko Paradisua...
 ¿Ez aldakigu nolakoa dan
 Erbeste erderazkua?

¿Ez alda obe Ujolde batek
 Euskal-mendiyak galtzia
 Nola jendeak, ala erriyak
 Uretan ondatutzia?
 Bai, bai obe da Armeniatik
 Tubal bat etorritzia,
 Berriro au Erritzia,
 Arrek kasta zabaltzia,
 Euskalak berak beren legeak
 Emen erabakitzia
 Eta ez ama Euskerazkua
 Uztarripean iltzia.

¿Ez deizkiyotzu dala onra bat
 Euskera salbatutzia
 Izkuntzarikan eztitsubena
 Benetan sendotutzia?
 Au galdu bañon obegoa da
 Izarrak eroritzia,
 Euskal-erriyak sutzia,
 Zigaro kiškaldutzia,
 Lau milla bizi izan ta ere
 Obeda denak galtzia
 Ez gure ama Euskara ona
 Euskaldunok aztutzia.

